

**Cov Lus Qhia txog Qhov Tau  
Txais Kev Them Nyiaj Yug Me  
Nyuum Cov Kev Pab**



Txhua tsev neeg uas them nyiaj yug me nyuam thiab tau cov nyiaj them yug me nyuam yuav tau txais cov kev pab tswj hwm nyiaj txiag (financial management services); qhov no muaj xws li cov nyiaj them thiab muab cov ntaub ntawv qhia txog txoj kev them nyiaj. Cov nyiaj no muaj xws li nyiaj them yug me nyuam, nyiaj them yug tsev neeg, thiab nyiaj them yug tus txij nkawm (maintenance). Qhov tau ib daim ntawv xaaj kom them nyiaj yug me nyuam los ntawm tsev hais plaub tsis tau txhais hais tias tsev neeg yuav tau txais cov kev pab tswj txoj hauj lwm them nyiaj yug me nyuam (case management services) no los ntawm lawv lub county los yog tribal lub chaw ua hauj lwm saib xyuas kev txiav nyiaj them yug me nyuam.

Cov niam cov txiv thiab cov saib xyuas tus me nyuam uas xav tau cov kev pab tswj txoj hauj lwm them nyiaj yug me nyuam (case management services) yuav tau ua ntawv thov cov kev pab nyob rau ntawm lawv lub county los yog tribal lub chaw ua hauj lwm saib xyuas kev txiav nyiaj them yug me nyuam. Cov kev pab no muaj xws li kev nrhiav kom tau tus niam/txiv uas ploj lawm, ua kom tau cov ntawv xaaj kom them nyiaj yug tus me nyuam los ntawm tsev hais plaub, los yog ua kom paub leej txiv ntawm tus me nyuam. Mus thov daim foos ua thov cov kev pab los ntawm <https://dcf.wisconsin.gov/cs/apply>. Wisconsin tsis tsub tus nqi them rau qhov ua daim ntawv thov cov kev pab, tab sis tej zaum kuj muaj lwm cov nqi them thiab. Hu rau koj lub chaw ua hauj lwm saib xyuas kev txiav nyiaj them yug me nyuam kom paub txog cov nqi no.

Cov tsev neeg uas tau cov nyiaj pab uas yog nyiaj ntsuab, xws li W2, Wisconsin Shares (pab them nqi zov me nyuam), SSI Caretaker Supplement, Kinship Care, thiab qhov kev pab cuam ua niam qhuav txiv qhuav (foster care) uas tau nyiaj los ntawm tsoom fwv, yuav cia li tau txais cov kev pab (case management) no. Cov kev pab feem ntau yog muab pab dawb rau cov uas tau txais nyiaj ntsuab.

## Cov Kev Pab Tswj Txoj Hauj Lwm Them Nyiaj Yug Me Nyuam (Case Management Services)

Nyob hauv Wisconsin, lub county los yog tribal cov chaw ua hauj lwm saib xyuas kev txiav nyiaj them yug me nyuam muab cov kev pab tswj txoj hauj lwm no. **Nrhiav Tus Niam/Txiv Uas Ploj Lawm**

Chaw ua hauj lwm saib xyuas kev them nyiaj yug me nyuam muaj ntau txoj kev los mus nrhiav kom tau cov niam cov txiv uas ploj lawm thiab lawv cov nyiaj tau los:

Access KIDS, lub xeev txoj kev khiav hauj lwm them nyiaj yug me nyuam uas siv tshuab computer, yuav cia li mus xyuas tau lwm cov tshuab computer hauv Wisconsin (Department of Transportation thiab Department of Natural Resources).

- Mus muab tau cov ntaub ntawv qhia paub txog cov neeg uas tau hauj lwm tshiab ntawm cov tswv hauj lwm nyob thoob plaws lub teb chaws hauv qhov qhia paub txog Cov Neeg Tau Hauj Lwm Tshiab (New Hire reporting program).
- Ua hauj lwm koom tes nrog lwm lub xeev kom nrhiav tau tus niam/txiv uas tau tsiv tawm mus lawm.

### Ua Kom Paub Leej Txiv

Yog xeeb muaj tus me nyuam los yog yug tau tus me nyuam thaum ob tus niam txiv tseem sib yuav, tus txiv yog leej txiv ntawm tus me nyuam raws cai. Yog ob tus niam txiv tsis sib yuav, yuav tau txiav txim seb leej txiv yog leej twg kom raws cai ua ntej lub tsev hais plaub yuav ua ntawv xaaj kom them nyiaj yug tus me nyuam. Tab txawm ob tus niam txiv yuav nyob ua ke los, qhov ua kom paub leej txiv raws cai yuav tuav tau tus me nyuam txoj cai thiab txoj cai ntawm ob leej niam txiv. Lub chaw ua hauj lwm saib xyuas kev txiav nyiaj them yug me nyuam muaj kev pab mus kuaj ntshav txo tus nqi kom tsawg.

### Ua Kom Tau los yog Hloov Kho Tsev Hais Plaub Daim Ntawv Xaaj Kom Them Nyiaj

Wisconsin cov tsev hais plaub siv cov lus qhia nyob hauv qhov Child Support Percentage of Income Standard thaum muab kev txiav txim tias yuav them nyiaj yug tus me nyuam npaum cas. Tsuas yog lub tsev hais plaub nkaus xwb thiab teeb tau los yog kho tau daim ntawv xaaj kom them nyiaj yug me nyuam. Txoj cai no siv lo lus tias ob leej niam txiv faib nkawv li feem nyiaj uas khwv tau los pab nkawv cov me nyuam thaum nkawv nyob ua ke, thiab yuav tau ua ib yam li ntawd thaum nkawv nyias nyob nyias. Cov cuab yeej siv los mus khwv yees qhov nyiaj them yug me nyuam muaj nyob online ntawm <https://dcf.wisconsin.gov/cs/order/tools>.

Yog tus niam/txiv cov nyiaj tau los los yog tus me nyuam cov kev nyob kev noj kev hais muaj pauv, daim ntawv xaaj kom them nyiaj yug me nyuam kuj muab los hloov kho tau. Ua ntej yuav kho tau daim ntawv xaaj, lub chaw ua hauj lwm saib xyuas kev txiav nyiaj them yug me nyuam los yog lub tsev hais plaub yuav tsum muab daim ntawv no los xyuas dua tso. Cov niam cov txiv yuav tau muab ntaub ntawv qhia txog lawv tej nyiaj txiag tam sim no rau qhov kev xyuas dua no. Cov tsev neeg uas tau txais cov kev pab uas yog nyiaj ntsuab tuaj ntawm W2, SSI Caretaker Supplement, thiab Kinship Care yuav tau qhov muab daim ntawv xaaj kom them nyiaj los xyuas dua txhua txhua peb lub xyoos.

### Nyiaj Pab Them Nqi Kho Mob

Tsev hais plaub cov ntawv xaaj yuav tsum hais txog cov nyiaj pab them nqi kho mob yog hais tias tus niam/txiv cov nyiaj tau los ntau tshaj 150% ntawm tsoom fwv tus ciam ntsuas cov tseem txom nyem (federal poverty level). Tej zaum lub tsev hais plaub kuj yuav xaaj kom tus niam los yog tus txiv los yog ob leeg tib si muab nkawv cov me nyuam mus ntxiv rau nkawv daim ntawv tuav pov hwm kho mob (health insurance) uas muab los ntawm nkawv tus tswv hauj lwm yog hais tias tus nqi uas muab me nyuam mus ntxiv li no tsis raug nyiaj ntau tshaj 5% ntawm tus niam/txiv cov nyiaj tau los txhua hlis los yog lwm qhov nyiaj uas teeb tsa los ntawm tsev hais plaub.

Yog tus nqi uas tus niam/txiv yuav tau them ntawd ntau tshaj qhov 5%, tus kws kho mob nyob deb tshaj 30 mais (miles) los yog 30 feeb (minutes) ntawm qhov chaw tus me nyuam nyob, los yog daim ntawv tuav pov hwm (insurance) tsis kab them nyiaj rau ib txhia nqi kho mob, tej zaum tsev hais plaub kuj yuav xaaj kom:

- Them ib qhov nyiaj txhua hlis rau cov nqi kho mob uas daim ntawv tuav pov hwm tsis them.
- Them ib feem ntawm daim ntawv tuav pov hwm los yog BadgerCare Plus cov nqi uas tus niam/txiv sab tod muaj rau tus (cov) me nyuam.

- Cov nqi them ntawv tuav pov hwm; tej zaum tsev hais plaub kuj yuav hloov kho qhov ny-iaj uas tau xaaj kom them. Yog xav paub ntxiv, mus saib “Guide to Setting Child Support Amounts,” uas muaj nyob hauv lub chaw ua hauj lwm saib xyuas kev txiav nyiaj them yug me nyuam los yog nyob ntawm <https://dcf.wisconsin.gov/publications>.

Yog hais tias ib tus niam/txiv yuav tau muab ntawv tuav pov hwm kho mob thiab muaj feem tau qhov them rau tsev neeg, lub xeev tsab cai lij choj hais tias kom cov tuam txhab muab ntawv tuav pov hwm thiab cov tswv hauj lwm (self-insured employers) muab ntawv tuav pov hwm rau tus me nyuam tab txawm yog hais tias:

- Ob tus niam txiv tsis tau sib yuav.
- Tus niam/txiv ua ntawv thov ntawv tuav pov hwm tsis yog lub sij hawm qhib txais ntawv (800) 236-8517 tuav pov hwm.
- Tus niam/txiv sab tod los yog lub chaw ua hauj lwm saib xyuas kev txiav nyiaj them yug me nyuam yog tus xa daim ntawv ua thov ntawv tuav pov hwm.

Child suChaw ua hauj lwm saib xyuas cov nyiaj them yug me nyuam muaj cov kev pab los tsom kwm thiab xyuas cov ntawv xaaj kom them nyiaj pab rau kev kho mob yog hais tias tau teeb tsa tias qhov nyiaj yog npaum cas (piv txwv li, \$50/hlis), thiab yog daim ntawv xaaj hais tias kom muab tus me nyuam mus ntxiv rau tus niam/txiv daim phiaj tuav pov hwm them nqi kho mob (health insurance plan).

### **Tsom Kwm thiab Xyuas Cov Ntawv Xaaj Kom Them Nyiaj Yug Me Nyuam**

Cov chaw ua hauj lwm saib xyuas kev txiav nyiaj them yug me nyuam xyuas kom ua tau raws li daim ntawv xaaj los ntawm tsev hais plaub, ua hauj lwm nrog cov tswv hauj lwm kom txiav qhov nyiaj them yug me nyuam los ntawm tus niam/txiv cov nyiaj hli, muab cov me nyuam ntxiv rau nws daim ntawv tuav pov hwm kho mob. Yog tus niam/txiv twg tsis tau them cov ny-iaj uas dhau sij hawm lawm, nws yuav thov tau lub chaw ua hauj lwm hais txog qhov maj mam them ib zaug me ntsis kom tas (payment plan). Cov uas tsis tau them cov nyiaj uas dhau sij hawm yuav raug muab los xyuas kom them ntev mus txog 20 lub xyoos tom qab tus me nyuam yau kawg nkaus hnuv nyoog nto 18 xyoos. Cov chaw ua hauj lwm saib xyuas kev txiav nyiaj them yug me nyuam muaj ntau txoj hau kev los mus ua kom tau raws li daim ntawv xaaj kom them nyiaj yug me nyuam. Thaum cov nyiaj uas dhau sij hawm tsis them siab dhau lawm, nws kuj muaj qhov cia li tsub tus nqi paj ntxiv (inter-est charges), mus tos kev muab cov nyiaj se tau los, thiab ua daim ntawv kom muaj cai mus tuav ib yam khoom ntiag tug (lien). Lwm yam, xws li tsis muab ntawv tso cai, kuj yog ib qho yuav tau xyuas thiab.

### **Cov Kev Pab Tswj Hwm Nyiaj Txiag (Financial Management Services)**

County thiab tribal cov chaw ua hauj lwm saib xyuas kev txiav nyiaj them yug me nyuam muab cov kev pab tswj hwm nyiaj txiag.

#### **Lis Cov Nyiaj Them Yug Me Nyuam**

Wisconsin Support Collections Trust Fund (WI SCTF) yog tus tuav cov ntaub ntawv hais txog kev them nyiaj, lis tas nrho cov nyiaj them tuaj, thiab xa txhua qhov nyiaj them tawm mus tsis pub dhau 2 hnuv cov hnuv ua hauj lwm. Cov tsev neeg uas tau cov nyiaj them yug me nyuam no yuav tau lawv cov nyiaj xa ncaj qha tuaj rau hauv lawv lub tuam txhab tso nyiaj (direct de-posit) los yog daim npav debit card. Thov nco cia: yog hais tias tsev neeg tau txais cov nyiaj pab uas yog nyiaj ntsuab, yuav muab ib qho ntawm cov nyiaj them yug me nyuam no siv mus them rau cov nyiaj ntsuab uas tsev neeg tau txais tam sim no los yog yav dhau los.

Raws li txoj cai, tas nrho cov nyiaj uas tau txais lub hlis ntawd yuav muab them tawm mus raws li tus txheej txheem no:

1. Tas nrho cov nyiaj uas tsev hais plaub xaaj kom them yug me nyuam los yog yug tus txij nkawm tam sim no uas yuav tsum tau them tsis pub dhau lub hlis ntawd rau ntawm tas nrho cov neeg them nyiaj cov ntawv xaaj.
2. Lwm daim ntawv xaaj kom them nyiaj, them rau cov nyiaj uas dhau sij hawm tsis tau them (cov nyiaj uas tsev hais plaub xaaj kom them xws li kom them \$50/hlis rau ntawm cov nyiaj uas dhau sij hawm tsis tau them).
3. Cov nyiaj them yug me nyuam uas dhau sij hawm tsis tau them, nyiaj them yug txij nkawm, nyiaj paj (interest), thiab cov nqi (fees). Piv txwv:

Tus niam/txiv daim ntawv xaaj kom nws them nyiaj yug me nyuam rau ob tsev neeg - \$240/hlis rau Tsev Neeg A thiab \$160/ hlis rau Tsev Neeg B. Tus niam/txiv ntawd them \$100/lim piam. Txhua qhov nyiaj them \$100 tauj hlis tau muab faib (prorated). Vim tshuav tsis tau them 60% ntawm \$400 uas yuav tau them txhua hlis rau Tsev Neeg A, Tsev Neeg A yuav tau txais 60% ntawm qhov nyiaj \$100 uas them txhua lim piam (\$60). Hos tshuav tsis tau them Tsev Neeg B 40% ntawm \$400 uas yuav tau them txhua hlis ces yuav tau txais 40% ntawm qhov nyiaj uas them txhua lim piam (\$40).

Cov nyiaj ntxiv rov qab los ntawm kev ua se ntawm toom fwv (federal tax refund) uas muab txiav los them yug me nyuam tsis muab los siv rau qhov no. Raws li txoj cai, cov nyiaj them uas yog cov nyiaj ntxiv rov qab los ntawm toom fwv yuav tsum xub muab them rau cov nyiaj yug me nyuam uas tshuav lub xeev nqi, tab sis tsis tau them thaum tsev neeg tseem tau txais cov nyiaj pab uas yog ny-iaj ntsuab. Cov nyiaj no muaj cov nyiaj them yug me nyuam uas tsis tau them nyob hauv. Cov nqi tau tus me nyuam (birth costs) uas BadgerCare Plus thiab Medicaid them rau lawm thiab cov nqi AFDC uas tsis tau them puav leej yog tshuav lub xeev nqi tsis tau them thiab.

#### **Qhia Txog Kev Them Nyiaj**

**Child Support Online Services:** qhov kev pab dawb no muab cov ntaub ntawv qhia txog cov nyiaj them thiab seb tshuav npaum cas thiab luam tau keeb kwm cov nyiaj them yav dhau los nyob ntawm [https://csos.wisconsin.gov/ registration/createlogon](https://csos.wisconsin.gov/registration/createlogon).

**Monthly Statements of Accounts:** cov niam cov txiv uas them nyiaj yug me nyuam yuav tau txais ib daim ntawv (statement) thiab daim ntawv them nyiaj (payment coupon) txhua lub hlis yog hais tias lawv xav cov nyiaj ncaj nraim mus rau WI SCTF los yog lawv tsis tau them qhov nyiaj tas nrho uas yuav tau them ib lub hlis. Tas nrho lwm cov niam cov txiv yuav tau kev txiav nyiaj them yug me nyuam txais ib daim ntawv (statement) txhua hlis muab xa tuaj rau lawv yog lawv hu rau lub chaw ua hauj lwm saib xyuas

**KIDS information Line:** Cov niam cov txiv yuav hu tau rau (800-991-5530 los yog TTD: 887-209-5209) yog xav paub txog lawv cov nyiaj them ob zaug dhau los. Cov ntaub ntawv nyob hauv no yeej muaj cov tawm tshiab txhua txhua hmo tshwj hnuv Sunday.

**Debit Card Account Information:** cov niam cov txiv yuav hu tau rau tus xov tooj uas nyob nraum qab ntawm lawv daim npav. Yog xav paub ntxiv mus saib <https://dcf.wisconsin.gov/cs/cp/pay/debit-card>.

**Child Support Notice of Collection:** lub hlis tom qab tau txais ib qho nyiaj them, cov tsev neeg uas tau txais cov nyiaj pab uas yog nyiaj ntsuab yuav tau txais ib tsab ntawv ceeb toom qhia rau tsev neeg paub tias tau them qhov nyiaj them yug me nyuam npaum cas, tau xa npaum cas tuaj rau lawv lawm, thiab tau muab npaum cas them rau lawv cov nyiaj pab (benefits).

## Cov Kev Pab Uas Tsis Muaj Rau Koj

Cov kev pab no tsis muaj qhov pab kom koj tau cai saib xyuas tus me nyuam (custody) thiab muab qhov chaw nyob rau tus me nyuam (placement); tsuas yog lub tsev hais plaub nkaus xwb thiaj muaj cai xyuas txog cov teeb meem no. Tus kws lij choj uas ua hauj lwm rau kev them nyiaj yug me nyuam yuav xyuas txog cov teeb meem ntsig txog qhov ua kom tau thiab kom ua raws li daim ntawv xaaj them nyiaj yug me nyuam. Tab sis li cas los, tus kws lij choj cov kev pab tsis muaj qhov muab tswv yim fab kev cai lij choj rau cov niam cov txiv. Ib tus kws lij choj uas tuaj tshwm rau ntawm koj lub rooj sib hais (hearing) hauv tsev hais plaub yog tuaj sawv cev ua cov hauj lwm rau lub xeev es tsis yog tuaj sawv cev ib tus niam tus txiv twg. Nws tsis muaj qhov kws lij choj-tus neeg tau txais kev pab kev ua hauj lwm ua ke nyob ntawm cov niam cov txiv thiab cov kws lij choj uas ua hauj lwm rau kev them nyiaj yug me nyuam.

Yog xav paub txog ib rooj sib hais txog kev them nyiaj yug me nyuam, hu rau koj kub chaw ua hauj lwm saib xyuas kev txiav nyiaj them yug me nyuam hauv zos. Mus nrhiav tau cov npe thiab xov tooj online nyob rau ntawm <https://dcf.wisconsin.gov/cs/agencylist>



DCF yog ib tus tswv hauj lwm thiab ib qhov chaw muab kev pab cuam muaj vaj huam sib luag rau sav daws. Yog koj muaj ib tus mob xiam oob qhab tsis taus thiab xav tau cov ntaub ntawv no ua lwm hor kom koj nyeem tau, los yog kom muab txhais ua lwm hom lus, thov hu rau (608) 266-3400 los yog (608) 422-6889 WTRS (Hu Daw)



Wisconsin Department of  
Children and Families